

清清淨淨祥雲腳九竅內往來交錯誰知妙用緣無作自然理  
鍊成丹藥 驪龍吐出神珠爍現萬道霞光罩卻虛堂瑩徹添  
光灼蓬萊路有些期約

楊柳枝

贈趙道濟

日裏金雞叫一聲夢初驚清風枕上有餘清酒初醒 霧捲雲  
收天似水月初明虛堂寂寂絕塵情性初平

寄四鄉先生

楊柳枝詞掃一篇寄誰邊一于一郝二劉仙訴些言 好與邱  
劉譚馬子共搜玄九還七返行功全去朝元

道藏輯要

漸悟集

三

胃集七

贈雲中子蘇鉉

猛棄榮華兒女妻悟玄機騰騰兀兀任無爲做憨癡 雲水不  
遊芳草徑內行持功成行滿獨何之赴瑤池

漁家傲

自覺

夢見嬌妻稱是母又逢愛妾還稱女因爲前生心不悟心不悟  
改換頭面爲夫婦 從此山侗常恐懼那堪更得風仙度決要  
淨清清淨做清淨做紫芝彼岸通玄路

七十光陰能幾日大都二萬五千日過了一日無一日無一日  
看看身似西山日 不做修行虛度日悟來豈肯經終日幹運